


亦采集禮甲十一卷

禮

無撰人名





金集禮目錄

卷第一

帝號上

太祖皇帝即位儀

太宗皇帝即位儀

皇統元年 冊禮

天德貞年 冊禮

卷第二

帝號下

卷一



大定七年 冊禮
大定十一年 冊禮

卷第三

追加謚號上

天會三年奉上 太祖謚號
天會十三年奉上 太宗謚號
天會十三年奉上 景宣皇帝謚號
天會十四年奉上 祖宗謚號
皇統五年增上 太祖宗謚

卷第四

皇統五年增上 祖宗尊謚

追加謚號下

大定三年增上 睿宗尊謚
大定十九年奉上 孝成皇帝謚號

雜錄天德二年興聖宮上謚儀與統五同
兼遼封王事節故入雜錄

卷第五

皇太后皇后
天會十三年尊奉 兩宮太皇太后

天德二年尊奉 永壽永寧宮

皇統元年冊 皇后

天德二年冊 徒單氏

卷第六

追謚后

聖穆 光懿皇后

欽獻皇后

欽仁皇后

惠昭皇后

永寧宮

欽慈貞懿皇后

宣獻皇后

昭德皇后

悼平皇后 闕

卷第七

妃

冊 太皇太妃

追封

雜錄

卷第八

皇太子

皇統二年 誥授儀

天德四年 冊命儀

大定八年 冊命儀

大定二十七年 冊皇太孫

守國儀

雜錄

卷第九

親王公主

親王

宗室

公主

郡縣主

卷第十

皇帝夏至日祭 方丘后土同

齋戒

陳設

省牲器

鑾駕出宮

奠玉帛

進熟

祭五岳 四鎮 四海 四瀆

鑾駕還宮

卷第十一

皇帝祭 皇地祇於方丘 每年夏至日祭

齋戒

陳設

省牲器

奠玉帛

進熟

望瘞

卷第十二 至卷第十七 元有闕文

卷第十八

時享上

攝行禮

卷第十九

時享下

攝行禮

卷第二十

原廟上

奉安

卷第二十一

原廟下

朝拜

卷第二十二

別廟

孝成舊廟

卷第二十三

御名

聖節

卷第二十四

赦詔

御樓宣赦

隨朝拜 赦詔

外路迎拜 赦詔

隨朝拜曆日 詔

外路迎拜曆日 詔

卷第二十五

宣命

宣麻

賜 勅命

送 宣賜生日

卷第二十六 元關

卷第二十七

儀仗上

行仗

立仗 原關

卷第二十八

儀仗下

皇后鹵簿

皇太子鹵簿

雜錄

卷第二十九

輿服上

輅輦

冠服

皇后車服

皇太子車服

卷第三十

輿服下

寶

印

臣庶車服

卷第三十一

班位表奏

班序

命婦

殿表

奏事

卷第三十二

輟朝廢務

輟朝

廢務

休假

卷第三十三 原闕

卷第三十四

岳鎮海瀆

祀儀

雜錄

卷第三十五

長白山

封冊禮

雜錄

卷第三十六

宣聖廟

祀儀

雜錄

卷第三十七

雜祠廟

宮觀

保陵宮

應聖宮

嘉慶侯

河神

卷第三十八

沿祀雜錄

沿祀雜錄

卷第三十九

朝會上

元日稱 賀儀

聖節稱 賀儀

曲宴儀

人使 辭見儀

卷第四十

朝會下

朔望常朝儀

雜錄

大金集禮目錄

大金集禮第一卷

帝號上

太祖皇帝即位儀

太宗皇帝即位儀

皇統元年冊禮

天德貞元冊禮

太祖皇帝即位儀

收國元年春正月壬申朔諸路官民耆老畢會議

創新儀奉



上即

皇帝位阿離合懣宗幹乃陳耕具九祝以闢土養
民之意復以良馬九隊隊九匹別為色并介冑弓
矢矛劍奉上

上命國號大金建元收國二年十二月庚申朔

皇弟諱版勃極烈率百官宗族

奏言自遼主失道奉天伐罪數摧大敵克定諸路
功德之隆亘古未有敢上
尊號為大聖皇帝

上讓者再羣臣固請

從之

太宗皇帝即位儀

天會元年九月六日

皇弟諱版勃極烈

皇帝位先是宗幹率諸弟暨百官及

太祖陵隨之未掩請

上前請即位

上不許謂有

先帝諸子是日不克襄事翌日猶不許宗幹曰社
稷至重付諸版勃極烈以大位者

先皇帝之治命也羣臣不敢有貳遂與諸弟暨百
官奉赭袍以被

上體而寘璽于懷乃即位於隨前已未告祀

天地丙寅大赦改元

皇統元年

冊禮

天會十三年正月二十五日受

遺詔即位頒詔天下

皇統元年正月二日太師宗幹率百寮上表曰唐

虞無能名其強名者聖作之迹

天地有大美欲歸美者物生之常歷觀振古大有

為之君必行當立不可曠之典布在方策炯如日

星自非稱謂之安烏足形容其德伏惟

皇帝陛下繩其

祖武簡在

帝心

躬勤儉以倡九牧之風

禁游惰以勸三農之作

外則安集勞來稍節於蒐畋內則恬澹冲虛
 弗親于聲色六年於此一德惟新適奕世之成平
 具舉前王之闕畧鋪張文物藻飾聲明勅五典以
 示五惇正五行而為五用代上古結繩之治造
 聖人合契之書蘊此沉幾固有雷電之威斷發
 於宸翰豈得雲漢之昭回兼長馳射之通材併作
 帝王之能事臂使西夏肘加東韓北羗輸產土之
 良南越致祈天之請云云

一視同仁懷小民如赤子九功惟叙慶多稼于
 魯孫瑞物克庭頌聲載路若乃嚴恭率典黃
 畏求端道四時于玉燭之和齊七政于璇璣
 之運謂親有德饗有道每躬茲祀之儀而應以實
 不以文曲盡靈承之意所謂崇天也玄功不
 宰神化自然卷而藏之則鼓萬物以和言擴而
 充之則彌六合子無外仰公成理好其要不好其
 詳司契無為同于道亦同于德所謂體道也而又
 弗忘兢業益戒盈成有咨詢宿德之勞謙有

體貌大臣之殊敬觀書乙夜而緝熙靡懈於初終
決事齋居雖近習莫知其喜怒此敬事之欽也
包五事以作哲 蹈三知之入微挾姦稔數者逆
折於將形抱義服忠者亟用如不及見日月照臨
之傳所照何窮雖鬼神情狀之幽其情安適茲辨
物之明也銳于修完以正百度而有 典謨訓誥
可舉之文隨所指顧克靖四方是謂 聰明睿知
不殺之武幽深遠近其 聖也無所不通篤實輝
光其 德也有容乃大是以 并包禹迹 增廣

文聲周極皞皞之生民同躋熙熙之壽域聳于聞
見孰不揄揚采 乾元首作之初薦天子無窮之

問 臣等不勝大願謹奉上尊號曰

崇天體道欽明文武聖德皇帝詔不允三表懇請
詔曰博考藝文敷求古訓謂其尊虛名而徇衆欲
不若修實德以承

天心故屢卻于奏章將確守于朕志而叩

闔愈衆陳義益堅推讓再三敷迫備至念大自民
而聽拒違恐拂於樂桂而名者寔之賓佩受終期

於求稱勉依來請惕懼增深所請宜允七日遣上
京由守奭告

天地

社稷析津尹宗強告

太廟十日

帝服袞冕

御元和殿宗幹率百僚恭奉

冊禮

冊文曰

皇統肇開犧燧因功而紀號

帝圖傳序勲華象德以著稱率皆應億姓之樂推

所以對三靈之春顧自時厥後何莫由斯

國家千載應期奕世修德重光積慶應歷統

天恭惟

皇帝陛下恭承垂裕之休保有無疆之祚表

在躬之瑞旋九宮而軌數周當出震之初闢羣

氛而義馭朗煥八彩重瞳之質宅九州四海之尊

方其恭默不言淵澄自保固已照羣臣之

邪正 洞庶政之後先既而雷動風飛乾旋坤闔
威柄一而姦朋懷懼 仁言播而遠近歸心至于
博採庭謨奮張王旅必待有名而後應固非得已
而亟行是以戈鋌所臨金湯失險攻堅易于振稿
傳令速于置郵仍以暇時舉脩隆典斟酌律禮糠
粃漢唐損益質文規模虞夏際功並建振古罕倫
然猶體貌耆英博叙宗族約已而厚祿秩之賜虛
心以來啓沃之言府庫不積而均利於農疇聲色
不邇而留神于古訓服御靡崇于彫飾宮室聊給
於會朝田獵習武事而已亦踰月而不行宴樂給
賓享而已蓋非時而不召歷觀前代皆有強鄰各
專社稷版圖互稱命令制誥今則
日月所燭 正朔無殊並開有指之士疆盡抗至
尊之名號加之 璇璣正協 玉燭時和連珠合
璧之祥居鄉日告千倉萬箱之積比屋歲滋謠頌
決於康衢珎貢來于絕域乃者別京幸望
方屬燕薊之多風積陰霾而決日及滋動
揚塵

天地清明人神慶悅是以羣工卿尹四海髦倪並
造明庭交修封奏敢叙陳於懿美願深抑於謙
冲謂夤畏嚴恭

聰明時憲崇天之寔也 虛靜恬淡 慈儉為寔

體道之念也

視聽言動復於禮 緝熙光明典於學茲謂欽以

直己是非可否究其實幽深遠近得其情茲謂明

以察微 經緯有方煥乎玉顯之文 威懷兼示

赫爾布昭之武周天縱之將聖而多能非學惟民

歸於一德而主善為師咸五登三豈形容之可及

桂一漏萬慙鋪叙之非工臣等不勝大願謹奉

玉冊

玉寶上

尊號曰

崇天體道欽明文武聖德皇帝立仗一千一百八

十人改服通天冠 宴二品以上官及高夏使其

行事官 奏定上公以太師宗幹太尉以正員裴

滿胡塔司徒以平章昂攝中書令二員正員韓企

先外以待制曷攝侍中三員以平章夾左丞曷左
宣徽劉若攝右丞蕭仲恭攝門下侍郎恭正季德
固攝中書侍郎銀朮哥等四員攝中書舍人趙端
甫等二員攝給事中捧冊八員捧寶四員以耶律
紹文蕭彥讓等充以胡景山攝刑部尚書以左右
點檢攝挾持官并奉香合進茶酒盞三員接
祖宗神御前茶酒盞三員其禮部尚書太常卿吏
禮部侍郎並以正員已後視此
奏差除正官外並出

宣

九日放朝習恭謝并

御樓儀十日大禮十一日高麗正旦人使辭十二

恭謝

祖廟還

御宣和門大赦改元

天德貞元 冊禮

天德二年二月百官上表奉上

法天膺運睿文宣武大明聖孝之號三月望日行

冊禮初七日呈稟訖上

冊寶合用行事官正負外差攝上壽酒上公一員

奉冊太尉讀冊中書令一舉冊中書舍人二押冊

吏部侍郎一捧冊官四奉寶司徒讀寶侍中一舉

寶給事中二押寶禮部侍郎一捧寶官四奏告官

二行禮侍中二太常卿二九日呈稟訖行禮節次

受

冊前三日合遣使 奏告

天地

昊天於南郊

地祇於北郊

宗廟並以香幣酒脯醢前一日諸司停 奏刑罰

文書兵部帥其屬設黃麾仗

殿門內二千六百人門外四百人

宣徽院帥儀鸞司設座於

殿中間設冊寶幄次於

大明殿門外設羣官次於大明門外大梁令與協

律郎設宮懸於 殿庭其日奉 冊寶訖設登歌

於殿上立舞表于殿下符寶郎其日俟文武
官入奉八寶升置殿上上

冊寶訖復舁還所司其日質明奉冊太尉奉寶司
徒

貞元儀奉冊太師奉寶太尉讀冊中書令讀寶侍
中以次應行事官並集于尚書省奉迎

冊寶由元德正門入至大明門外
貞元儀通天正門入至大安門外置冊寶於幄

次中冊南北應行事官分立于左右文武羣臣等並

入次朝服攝太常卿與大樂令帥工人入就位協

律郎各就舉麾位捧冊官捧寶官舁冊官舁寶官

由西偏門入至西階下冊寶褥位之西東向立俟

貞元儀無捧冊捧寶官等入至褥位立俟之文等

探閣門報通事舍人引攝侍中版奏中嚴訖典

儀贊者各就位閣門官引文武百寮分左右入於

階下埽道東西相向立符寶郎奉八寶由西偏

門分入升置殿上東西間相向訖分左右立於

寶後通事舍人引攝侍中版奏外辦扇合服袞

冕以出曲直華蓋侍衛警蹕如常跪俛伏興舉麾
工鼓祝奏乾寧之樂自出東房即座儀使副添

香

殿下第一墀香爐宣徽院另差閣門一員添香

貞元儀

殿下沙墀爐煙升扇開簾捲協律郎偃麾故樂止
凡樂皆協律郎舉麾工鼓祝而後作偃麾戛故而
後止下皆准此太常博士通事舍人自冊寶幄次
分引冊太常卿前導吏部侍郎押冊而行奉

冊太尉讀冊中書令舉冊官

貞元儀進冊舉冊官於冊後以次後之次太常

博士通事舍人二員分引寶禮部侍郎押寶

而行奉寶司徒讀寶侍中舉寶官

貞元儀進寶舉寶官於寶後以次從之由正門

入宮懸奏婦美揚功之曲太常卿於冊床前道至第

一墀貞元儀並之沙墀香案南籍冊寶褥位上少

置冊北太常與舉冊官退於冊寶稍西東向立

應博士舍人立於其後昇冊寶冊床弩手織子官

等又於其後皆東向太尉司徒中書令侍中皆於冊後面北以次立吏部侍郎禮部侍郎次立於其後立定

貞元儀 冊北寶南太常卿於 冊東北向側立太師以下於冊寶褥位東序立昇冊床弩手繖子退立東階下面北立太尉以下於冊寶褥位西序立昇寶床弩手繖子退立於西階下立定樂止閣門舍人分引東西兩班羣官合班轉北向立東班以西為上西班以東為上中間小留班路俟

立定太常博士通事舍人四員分引太尉司徒中書令侍中吏部禮部侍郎以次各復本班訖博士舍人退以俟初引時樂奏歸美揚功之曲至位立定樂止典儀曰拜贊者承傳太尉以下 應在官位羣官皆舞蹈五拜班首出班起居訖又贊再拜如

朝會常儀太常博士通事舍人四員再引太尉司徒中書令侍中吏部禮部侍郎復進至冊寶所稍南立定昇冊寶床弩手繖子官並進前舉冊寶床

興太常博士通事舍人二員分引 冊太常卿前
 導吏部侍郎押 冊而行奉冊太尉讀冊中書令
 舉冊官於 冊後以次從之 冊初行樂奏肅寧
 之曲次通事舍人太常博士又二員分引 寶禮
 部侍郎押 寶而行奉寶司徒讀寶侍中舉寶官
 於 寶後以次從之詣西階下至冊寶褥位
 貞元儀冊寶床興博士舍人分引太師太尉以下
 導從 冊寶行樂奏肅寧之曲至西階下冊寶褥
 位少置 冊北樂止
寶南

貞元儀樂止太尉以下於 冊寶西序立昇冊寶
 床弩手繖子官等退於後稍西東向立捧冊官與
 昇冊官並進前 去冊函蓋置于床 取冊匣升太常
 博士通事舍人分引 冊太常卿側身導 冊先
 升奉冊太尉讀冊中書令舉冊官捧冊官於 冊
 後以次從升
 吏部侍郎不升止於冊床之西 冊初行樂奏肅
 寧之曲進至 殿上博士舍人分左右於前楹立
 以俟

大令集禮卷一

五

舍人在東以俟 冊引讀中書舍人自東階還本
位博士在西以俟引奉冊太尉降自西階下面東
立讀冊中書令於欄子外前楹稍西立以俟舉冊
官捧冊官立於其後奉冊太尉從升至褥位奉冊
太尉搢笏少前跪置訖執笏俛伏興樂止太尉退
於前楹稍西立以俟太常博士立於後太常卿少
退東向立昇冊官立于其後皆東向捧冊官先入
舉冊官次入讀冊中書令入次入捧冊官四負皆
搢笏雙跪捧

定通事舍人引攝侍中升自東階當前楹間跪奏
禮畢俛伏興引降還位扇合簾降協律郎俛伏興
舉麾工鼓祝奏乾寧之曲降 座入自東房還後
閣進膳侍衛警蹕如儀扇開樂止捧冊官帥昇冊
床人捧寶官帥昇寶床人皆升
殿取匣盃蓋訖置於床前引進司官前導通事舍
人贊引詣東上閣門上進

貞元儀進冊官跪進冊狀進寶官進寶狀以授內
常侍各再拜以次出通事舍人分引文武百寮等

以次出歸幕次賜食以俟

上壽

上用寶禮畢有司辦排

御床及座宴羣官位並如曲宴儀攝太常卿與大樂令帥工人入并協律郎各就舉麾位俟等探舍人報通事舍人引三師以下文武百寮親王宗室等分左右入至殿階下稍南東西相向立通事舍人先引攝侍中版奏中嚴少頃又奏外辦扇合鳴鞭協律郎跪俛伏興工鼓祝宮懸

奏乾寧之曲服通天冠絳紗袍即座簾捲內侍

贊扇開殿上亦鳴鞭戛鼓樂止儀使副等添香

爐煙升通事舍人引班首已下合班樂奏肅寧之曲至北向位重行立定中間少留班路通事舍人引攝侍中詣東階升至殿上少立閣門舍人引禮部尚書出班前北向俛伏跪奏稱禮部尚書臣某言請允羣臣上壽俛伏興躬身通事舍人引攝侍中詣前楹間躬承

旨退臨階稍東西向曰制可侍中少退舍人贊

禮部尚書再拜訖贊祇候復本班
貞元儀無禮部尚書跪奏侍中承

旨一節內侍局進

御床入次良醞令於殿下橫階南酌酒訖典儀
曰拜贊者承傳在位官皆再拜隨拜三稱

萬歲訖平立太常博士通事舍人分引攝上公由
東階升初升官懸奏肅寧之曲復本班昇寶官亦
退太常博士引捧寶司徒次奉寶太尉東向立定
博士舍人贊引太尉司徒進詣第一墀香案南褥

位立定博士舍人贊退典儀曰拜贊者承傳在位
官皆再拜訖博士舍人二員引太尉詣東階升

貞元儀捧冊官與昇冊官並進前取冊先升奉

冊太師讀冊通事舍人分引冊太常卿側身導

冊先升奉冊太師讀冊中書令押冊進冊舉冊官

捧冊官於冊後以次從升冊初行樂奏肅寧
之曲進至殿上奉冊太師於褥位搢笏少前跪

置訖執笏退樂止太師與讀冊中書令於欄子外
前楹稍東面北立博士舍人少退面西側立押冊

進冊舉冊捧冊昇冊官又在其後太常卿少退於
 前楹稍西東向立定捧冊官先入舉冊官次入讀
 冊中書令又次入捧冊官四員皆措笏雙跪捧兩
 員於冊北一員稍東一員稍西兩員於冊南
 一員稍東一員稍西舉冊官二員亦措笏兩邊單
 跪對舉中書令執笏進拜跪讀冊讀訖俛伏興立
 於前楹東太師之次舉冊捧冊官少退立太常卿
 降復寶床前押冊昇冊官並進前與捧冊舉冊官
 等取冊興置於殿之東間褥位案上西向押

冊進冊捧舉昇冊官等俱降自東階還本班博士
 舍人引奉冊太師中書令降自東階還本班次捧
 寶官與昇寶官俟讀冊中書令讀訖出並進前取
 寶盃升太常博士通事舍人分引寶太常卿側
 身導寶先升奉寶太尉讀寶侍中押寶進寶舉
 寶捧寶官於寶後以次從升寶初行樂奏肅
 寧之曲進至

殿上奉寶太尉於褥位措笏少前跪置訖執笏退
 樂止太尉與讀寶侍中於欄子外前楹西面北立

博士舍人少退面西側立押寶進寶舉寶捧寶昇
寶官又在其後太常少卿退於前楹稍西東向立
定捧寶官先入舉寶官次入讀寶侍中又次入捧
寶官四員皆措笏跪捧兩員於 寶北一員稍東
一員稍西兩員於 寶南一員稍東一員稍西舉
寶官二員亦措笏兩邊單跪對舉侍中執笏進拜
跪讀 寶讀訖俛伏興退立於前楹西太尉之次
舉寶捧寶官少退立押寶昇寶官進前與捧寶舉
寶等取寶盃興置于 殿之西間褥位案上東向

押寶進寶捧寶舉寶昇寶官等俱降自西階班博
士舍人引太尉侍中降自西階復本班太常卿亦
從太尉侍中降西階還本班立定太常博士通事
舍人引太師升 殿宮懸奏純誠享上之曲至階
上博士舍人退不升以俟 閣使二員引太尉進至
前立定樂止閣使揖贊太尉拜跪賀 殿下閣門
揖百寮躬身太尉稱文武百寮具官臣等言致賀
詞 云云

貞元儀止云太師致賀詞俛伏興 百寮平立退至

階下博士舍人分引太尉降至東階初降宮懸作
肅寧之曲復香案南褥位立定樂止

貞元儀太師降自東階宮懸作肅寧之曲至位樂
止博士舍人少退典儀曰拜贊者承傳太尉司徒

及在位羣官俱再拜舞蹈三稱

萬歲又再拜訖通事舍人引攝侍中升自東階進

詣前楹間躬承

旨退臨階西向稱有制典儀曰拜贊者承傳太

尉司徒及在位羣官俱再拜躬身宣詞云云

宣訖通事舍人引侍中還位典儀曰拜贊者承傳

階上下應在位羣官俱再拜舞蹈三稱

萬歲又再拜訖博士舍人分引太尉司徒就百寮

位初引宮懸作肅寧之曲至位立定樂止

貞元儀無分引太尉司徒就位一節及無初引宮

懸肅寧之曲閣門舍人分引應北面位羣官各分

班東西相向立兩員於冊北一員稍東一員稍

西西員於冊一員稍東一員稍西舉冊官兩員亦

搢笏兩邊單跪對舉中書令執笏進跪稱中書令

臣某讀冊讀訖俛伏與中書令俟冊昇先退通事
舍人引降自東階復本班訖通事舍人依前復引

太尉太常卿降復寶床前昇冊官並進與捧冊官
等取匣興置於殿東間褥位案上西向捧舉冊

官等降自東階還本班昇冊官亦退太常博士引
奉冊官太尉降自西階東向立此俟次寶官與昇

官俟讀冊中書令讀訖出並進前去寶函蓋置于

床取寶盃升太常博士通事舍人分引寶太

卿側身導寶先升奉寶司徒讀寶侍中舉寶官

捧寶官于寶後以次從升

禮部侍郎不升立於寶床之西寶初行樂奏肅

寧之曲進至殿上博士舍人俱退不升並於前

楹稍西立以俟博士以俟引司徒降西階以太

尉立舍人以俟引侍中降西階復本班讀寶侍中

於欄子外前楹間稍西立以俟舉寶官捧寶官立

於其後奉寶司徒寶升至褥位奉寶司徒進笏

少前跪置訖執笏俛伏興樂止司徒退于前楹西

立以俟太常卿少退東向立昇寶官立于其後皆

東向捧寶官先入舉寶官次入讀寶侍中又次入
 捧寶官四員皆搢笏雙跪捧兩員於寶北一員
 稍東一員稍西兩員於寶南一員稍東一員稍
 西舉寶官兩員亦搢笏兩邊單跪對舉侍中執笏
 進跪稱侍中臣某言讀寶訖俛伏興侍中俟寶
 興先退通事舍人引降自西階復本班訖通事舍
 人依前後引司徒昇寶官進前與捧寶舉寶官等
 取寶盃興置于殿之西間褥位案上東向捧寶
 舉寶官等與太常卿俱降自西階及吏部侍郎皆

殿上舍人少退二閣使揖上公進至進酒褥位
 樂上宣徽使以爵授上公上公搢笏受爵詣榻前

跪進受爵訖上公執槃退至進酒位以槃授宣徽
 使訖二閣使揖上公入欄子內贊拜跪殿下閣
 門揖百寮皆躬身上公奏稱文武百寮上公具
 官臣某等稽首言

貞元儀無文武百寮具官之文云云臣等不勝大

慶謹上

千萬歲壽俛伏興百寮平立二閣使揖上公出太

常博士通事舍人引上公降自東階後本班太常
博士通事舍人退上公初降階樂奏肅寧之曲至
位立定樂止典儀曰拜替者承傳上公與在位官
皆再拜訖百寮皆躬身通事舍人揖攝侍中進詣
前楹間躬承

旨退臨階西向稱有制典儀曰拜替者承傳上

公及在位羣官皆再拜隨拜三稱

萬歲訖躬身宣曰得公等壽酒與公等內外同
慶閣門舍人替宣諭訖上公與百寮皆舞蹈五

拜訖閣門舍人引百寮分班東西序面殿立傳

士舍人再引止公向東階升宮懸奏肅寧之曲至

進酒褥位樂止上公搢笏宣徽使授上公繫上公

詣欄子內褥位跪舉酒宮懸奏景命萬年之曲飲

訖樂止上公進受虛爵訖復褥位以爵授宣徽使

訖二閣使揖上公退內侍局昇

御床出

貞元儀無此昇出再進入一節博士舍人並進前

分引降自東階宮懸作肅寧之曲閣門舍人分引

東西兩班隨上公俱復北向位立定樂止典儀曰

拜贊者承傳在位官皆再拜三稱

萬歲訖平立 殿上通事舍人揖攝侍中進詣前

楹間躬承

旨退臨階西向閣門官先揖百寮躬身侍中稱有

制典儀曰拜贊者承傳在位官皆再拜訖躬身

宣曰延王公等升 殿典儀曰拜贊者承傳在

位官皆再拜訖搢笏舞蹈又再拜訖太常博士通事舍人引上公以下合赴 宴羣官分左右升

殿不與宴羣官分左右捲班出宮懸奏肅寧之曲

百寮至 殿上坐後立樂止內侍局進

御床入依尋常 宴會再進第一爵酒登歌奏聖

德昭明之曲飲訖樂止 羣官就坐傳宣 賜起立

拜數節次並如常儀 執事者行羣官酒宮懸作肅

寧之曲文舞入觴行一周樂止尚食局進食執事

者設羣官食宮懸奏保大定功之舞 貞元儀奏萬

國來同之舞 三成止出又進第二爵酒登歌奏天

贊堯齡之曲 貞元儀奏天錫萬齡之曲 飲訖樂止執

事者行羣官酒宮懸作肅寧之曲武舞入觴行一

周樂止尚食局進食執事者設羣官食宮懸奏萬

國來同之舞 貞元儀奏保大定功之舞 三成止出

又進第三爵酒登歌奏慶雲之曲飲訖樂止執事

者行羣官酒宮懸作肅寧之曲觴行一周樂止尚

食局進食執事者設羣官食宮懸奏肅寧之曲食

畢樂止閣門官分楫侍 宴羣官起立于席後通

事舍人引攝侍中詣榻前俛伏興跪 奏侍中臣
某言禮畢俛伏興閣門舍人分引羣官俱降東西
階內侍局昇

御床出宮懸作肅寧之曲至北向位立定樂止典
儀曰拜贊者承傳在位官皆再拜訖搢笏舞蹈再
拜訖再分班東西序立 貞元儀東西序立侍中詣

榻前跪奏禮畢 扇合簾降 殿上下鳴鞭協律郎

俛伏跪舉麾興工鼓祝奏乾寧之曲 降座入自
東房還後閣侍儀如來儀內侍贊扇開夏啟樂止

通事舍人引攝侍中版 奏解嚴所司承

旨放伏在位羣官皆再拜以次 天德二年十二月

省去十二字稱號 貞元三年十一月太師思忠

等上表奉上 奉天崇運至孝大明淵謀睿斷聖

文神武之號蒙 從上省去十二字餘從所請

二十七日稟訖四年正月七日行禮儀仗用三千
人 提點儀仗 許霖畢棟 禮部下太常寺於已行

禮數內增損參詳到下項儀 冊用玉簡然總數
七十五枚亦從文之多寡各長一尺二寸闊一寸

二分厚五分聯以金縷首尾吉帶前後四板刺龍

縷金若捧護之狀藉以錦褥覆以紅羅泥金夾帕

冊匣長廣取容玉冊塗以朱漆金裝隱起突龍

鳳金鏤份錯匣上又以紅羅繡盤龍盛金帕覆之

承以鍍金裝長于床鍍金龍首鍍金魚鈎藉匣以

錦緣褥又紐紅絲為條以紫匣係天德二年檢照

到典禮已經成造製度寶用玉廣四寸九分厚

一寸二分篆文填以金盤龍紐係以暈錦大綬赤

小綬連玉環又玉檢高七寸廣二寸四分皆飾

金裹以紅錦加紅羅泥金夾帕納于小盞以金

裝內設金床暈錦褥飾以雜色玻璃碧鈿石珊瑚

金精石馬瑙又盞二重皆裝金覆以紅羅繡帕承

以鍍金裝長于床鍍金魚鈎藉盞以錦褥又冊寶

行馬並飾以鍍金冊寶案並塗以朱漆覆以紅羅

銷金衣寶上篆文隱起其地填以金冊檢並真

書鐫訖內填以金前三日遣使奏告

昊天上帝

皇地祇並于

大令集卷一

三

常武殿拜天臺設褥位牌

昊天上帝位當中

皇地祇次西少却及香茶酒祝版祝版少府監成

造學士院撰詞書寫進署訖付宣徽院差控鶴官

用床擡昇覆以黃羅帕隨告官詣祠所告官就所

居清齋一日告日質明宣徽使帥儀鑾司鋪設供

具閣門舍人一員太常博士一員引告官詣神

位前再拜每位上香跪奠茶奠酒再拜太祝讀祝

版告官再拜退原廟奏告准上前二日停

奏刑罰文字正月四日六日習儀於

大安殿奉冊及上壽酒并致詞太師奉寶太

尉讀冊中書令讀寶侍中進冊中書侍郎

進寶門下侍郎押冊吏部侍郎押寶禮部

侍郎各一舉冊中書舍人舉寶給事中各二捧冊

官捧寶官各四行礼侍中二一奏中嚴外辦及

解嚴禮畢一宣制太常卿二一押樂一行礼昇

冊寶官依例省令史充大樂令協律郎二一

殿上一殿庭典儀贊者各二閣門充太常博士

三二引冊寶奉冊寶引太師太尉還班一引

太師進酒 通事舍人七 二 冊寶二引侍中一引

太師進酒 二引中書門下侍郎 昇冊案十四昇寶

案六部令史充 內常侍四人 分引 冊寶入進宣

徽院差弩手繖子百人擡冊寶床及案前一日尚

書省安設及次日行禮并隨內常侍入進兵部帥

其屬設儀仗于 殿門內外宣徽院帥儀鸞司于

前一日設

御座于 殿中間設東西房前楹施簾設香爐香

案於 殿下沙墀設藉冊寶褥位于香案南設香

爐二於 殿榻之左右設冊寶幄次于 殿門外

稍東西向 冊北室南 設藉冊寶褥位一於榻前設

太師賀褥位于欄子北設藉冊匣寶盞案褥位各

一于 殿西階下道西設羣官次于 殿門外東

上閣門外設置冊寶褥位各一設中書門下侍郎

拜褥各一所司約量陳繖扇於三墀之左右宣徽

院勒所司排辦

御床菓饌并差簾外執扇五十人開合如儀 依例

供奉官充展紫 大樂令協律郎前二日設宮懸於

殿庭又設協律郎舉麾位二一于殿上樂懸

西北一於殿下樂懸西北並東向閣門司設百

官位於殿庭如朝會儀又設贊者位於班前

東北又設典儀位於殿階上又設行事官位牌

如已定儀才候上冊寶訖退還

御幄又設坐宴羣官位于殿上如尋常曲宴儀

太常寺其日帥昇冊寶案官先入置案于殿之

東西間藉冊寶褥位上冊東寶西學士院定撰上

冊寶訖賀詞并上壽詞宣荅制詞及大

樂曲名并曲及登歌詞典奏告祝文書寫進署

中書侍郎進冊狀門下侍郎進寶狀其狀尚書省

禮房寫良醞令脩酒并殿下酌酒如常儀尚食

排菓饌尚衣進冕服通天冠絳紗袍有司備警蹕

繳扇曲直華蓋等儀物符寶即其日俟文武羣官

入奉八寶置于殿上東西間相向昇八寶

用控鶴門仗官四員分立寶後上冊寶訖復

還所司御史臺告報外官刺史已上新除未辭或

或已辭未發及諸道使人并外官朝奏在都者各

依本官職序班少府監造位牌三十面各長尺二
闊一尺厚八分黑油引進司禮畢中書侍郎門下
侍郎置冊寶匣蓋于床內常侍四人與引進司官
前導通事舍人替引詣東上閣門上進上 冊寶
並上 壽並如天德儀 冊禮後恭謝 原廟用
天德儀惟不降 詔

大金集禮第一卷

